

近代中國史料叢刊續編第十三輯
沈雲龍主編

庚子都門紀事詩

延

清撰


文海出版社

有限公司

印行

道學
新書

丹徒吳毓建署



光緒二十八年
孟夏京江刊板

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



延子澄工部遭庚子拳匪之變幸獲無恙以巴里客餘生艸郵示余余置行滕中遇湖海詩人輒出而質證之多以為可傳有以巴里客詢者余曰巴哩克三字乃蒙古籍貫自居為下里巴人者蓋其謙詞諧聲會意均寓其中而其詩則引商刻羽雜以流徵者也子澄行年將六十而詩興特豪年老而律極細生平

尤以帖體詩名海內昔袁太史善暨盛
祭酒昱有精金百鍊五言長城之褒識
者以為知言此集五七言律以空數十
韻長排法律謹嚴每一諷詠覺溫柔忠
厚之意多幽怨嗾殺憤激之音少間作
五七古亦妥帖排真如試律之詠史詩
一體簷林彈雨中乃絕無危苦之詞此
可覘于澄之所養焉今

功令雖廢棄帖體詩而餘生草一一刻再
刻無異錦官堂詩長留天地間也子澄
聞之當掀髯余近客彭城此地風氣古
穆楚漢戰爭之地獨兩免粵捻之厄徐
人士真幸民也蘇子黃樓今尚存頃友
人携濁酒一壺并子澄詩登其上臨風
朗誦之深情綵邈令我不能自己回思
庚子夏秋之交京口風鶴之警日甚一

日如在

輦轂下余舉室憑危城不忍言遷徙蓋
先妻顏宜人時方嬰重疾兒輩日勤湯
藥而不敢離也子澄詩來南中余欲和
之苦無興緒况其曲彌高其和彌寡如
今之觥觥大集也哉吾友馬子昭都尉
與子澄髫年文字交其先系出教漢亦
性耽風雅近將餘生草重付剞劂易其

名為庚子都門紀事詩屬余序顛末以
廣其傳遂不辭譎陋而率臆言之光緒
二十八年清和月之吉同里李恩綬書
於北徐州寓廬



--	--	--	--

庚子都門紀事詩

目錄

- 卷首敘四篇集評十一則
- 卷一虎口集詩五十八首
- 卷二鴻毛集詩五十八首
- 卷三蛇足集詩六十八首
- 卷四魴尾集詩九十七首
- 卷五豹皮集詩四十一首
- 卷六狐腋集詩六十七首
- 卷末跋五篇

右六集詩共三百八十九首
內附錄同人詩共一百六十九首

道咸以來泰西各國浸強天主教遂盛行於中國吾民從之者日益夥大抵良
少而莠多教士一概護之於是教民之莠者情勢橫恣凌侮平民有司率多庸
懦民訟之官百不一直往往不勝其忿而激成事端故近年鬧教堂之案日益
多而終不致燎原者畏泰西礮火之烈耳奸人乘此創爲能避礮火之術以誘
愚民於是山東界連直隸各州縣糾聚日眾以義和團爲名日事焚殺不問良
莠惟教民是仇

朝廷謂小民雖自作不靖亦彼教有以激之故不忍遽加勦洗意甚厚也希旨
者遂以團民爲可恃其論始自近習小臣繼而貴戚耆舊併爲一談而一二柄
臣遂欲招徠團民以禦外侮馴至激怒全球數月之間京師不守

乘輿西狩自來構禍之亟罕有甚于此矣夫覆巢之下安有完卵士夫遭此不
走則死不死則辱古今大例也乃聯軍入城初不妄煞縱掠止三日卽申禁約

安慰士民若自處於賓客而代主人守望者以需和議之成民猶是本朝之民也臣猶是本朝之臣也自來遭變之奇又莫創于此矣余同年友柏紫丞水部得都門紀事詩三百餘首無所諱無所飾所謂直書其事而義自見者杜陵遺天寶之亂卽所見聞形諸詩咏論者推爲詩史紫丞此作其亦同此志也夫光緒庚子祀竈後一日年愚弟汪鳳池謹撰

震霆迅雷風雨驟至雖斃夫憮民無敢萌慝志洎天威清霽而修省之志寔矣
洪河滄海橫流潰決雖食吏疲眈罔不思蓋愆洎沉災灑澹而宣房之計偷矣
此天下禍變之來之未有已生民之患之所以日亟而識微之士所爲痛哭流
涕而不忍道鏤心鐫骨而不敢忘者也歲在庚子拳匪肇亂

六飛西狩環球之師糜集京畿奸民潰卒乘機屠戮其死於戰陣及無辜被戮
賊者以億萬計歐美火器日鏡月淬不敢輕用乃獨萃於吾而爲之的其爲慘
憫可勝言耶越明年辛丑款議成

法駕旋軫

詔書屢下力圖振興余方幸貞下起元忠臣志士將懲前毖後宏敷碩畫以永
禎

上意而又恐悠悠者耽禍偷安迅霆初收而忘修省奔流暫息而忘宣房也若

吾友紫丞水部則可謂不忘者矣紫丞素工詩瞻智豐學迴軼儕輩近持庚子記事詩六卷相示自初及終事核詞哀獨抒忠愛論者以杜少陵詩史白香山新樂府例之誠哉無忝然余謂紫丞之志則更有進焉者曩德之破法也殘壞幾不可收拾法人繪圖自警無須與忘十餘年而仍爲雄國余度紫丞意蓋欲使讀是編者亦如目擊慘毒景象知危知懼振奮精神靖內綏外以佐吾

國家中興之業而不復以茫茫世運概諉諸昆明劫灰而猶是酣嬉耽毒也傳曰其心苦者其辭危有動於中不能自己紫丞索敘緣起爰不揣固陋而述其太愾云

光緒辛丑夏五月吳曹福元撰

嗟呼時非天寶乃遷蜀道之靈輿運昇與元寬駐梁州之警蹕茫茫浩劫猿蟲
幻化之場冥冥妖氛豺虎縱橫之地當斯際也壯夫爲之歎愀文人因而鬱伊
庾子山暮年作賦哀動江關杜少陵樂府愴懷名傳詩史僕以江南之逐客懷
薊北之羈人時閱六旬詩成兩帙而況京華從宦久繫匏瓜騷些嗣音工哦蘭
茝如我鍊君同年者乎此餘生詩所爲作也鍊君從龍貴曹吐鳳英聲貫酸齋
綺語纏絲薩鴈門雄詞激越吟聯洛社詩人例作水曹郎句唱旗亭孺子亦知
名下士姓名記注方叨丹宸之恩榮畿輔倉皇忽遺黃巾之覲亂語與白馬禍
幾類於壽陽兆應蒼鵝災欲符乎典午鍊君於是悲歌斫地痛哭呼天浮海難
歸管幼安衣冠恪守朝天無自王摩詰弦管悽聞闔門而何望瓦全睨柱而拌
同璧碎旣而一家無恙百折不回爰搦管以攄哀乃擘牋而寫憤咄咄恠事何
用書空粲粲大才自然就範平子四愁之作同此摧傷伯鸞五噫之歌侔茲悽

戾彙之爲一編分之爲六集曰虎口曰鴻毛曰蛇足曰魴尾曰豹皮曰狐腋凡
驕兵悍卒之搜牢氏帥羌豪之蹂躪志士忠臣之慷慨貞姬烈媛之從容冷官
薄宦之顛流誼友良朋之訕慰莫不繪形鑿態描色摹聲組辭則俯拾齊梁敘
事則仰宗漢魏又豈僅括遺山之野史續元相之宮詞已哉編訂旣成徵言於
僕元晏序太沖之賦抱愧奚如夷吾承鮑叔之知固辭未敢所願讀鍊君之詩
者悲其遇而嘉其志可也時光緒二十七年五月中澣年世愚弟張寶森敘於
潤州綠水橋邊之酒廬

集評

情深而不詭風清而不雜事信而不誕義直而不迴彥和談藝云爾三復斯製乃兼數美讀至見危授命偷得餘生等聯先得我心低回不釋可謂夢伊善感愴快難懷者矣庚子八月思南程械林拜讀並識

子澄同年與琦卜鄰以來歷有年所雖平日往還不輟而晤時甚稀恆歉然也迨客秋大亂朝夕過從轉得互相慰藉初豈料尙有今日哉然當困處危城時子澄獨能遇變不驚顛沛之中不輟吟咏靜者之心固自宜爾趙雲菘有詩云國家不幸詩人幸說到滄桑句便工諒哉斯言子澄有之矣豹皮一集闡揚幽貞千載後有讀之者當亦泣下辛丑孟春下浣年愚弟陸鍾琦拜題

詩以言志也詩敘曰情動於中而形於言蓋言以足志志之所寄形諸詠歌亦各道其性情而已況夫心懷忠愛身際亂離慨時勢之艱難痛

鑿與之播越九州鼎沸萬戶傷心對此茫茫烏能已已此延子子澄所以有紀
 事感懷諸作也子澄試帖詩最工早已風行海內其雜體詩積有二千餘首多
 未付刊茲獨綜其去年危城擾攘時所為詩得三百八十餘首分為六集出以
 示余受而讀之有渾涵蘊藉者有悲壯蒼涼者又有悱惻纏綿若諷若規如怨
 如慕者不名一端要無非性情所流露昔浣花翁有詩史之稱今錢塘甫叟有
 詩鐸之輯是編出其可接武杜陵嗣音張仲乎干戈易灑蒼生淚詩卷長留天
 地間並集一聯以當題贈光緒辛丑仲春漢軍郭錫銘拜讀並識

經心史筆妙通神迸入陰毫寫性真稿中挽死事諸臣多用杜集原韻只有少陵相伯仲水曹

今古兩詩人 卅年同譜又同舟難扶持都城破日屢遇子誼氣投鐵石如

君堅不挫子澄又闡揚忠義礪千秋光緒二十七年春三月年愚弟李潤均拜

讀並題

先生之詩悲訝慷慨忠愛纏綿可以驚風雨可以泣鬼神至其格律之渾成字句之研鍊尤爲餘事昔人稱杜陵爲詩史若先生足以當之矣後學世榮拜識庚子之變余及子澄同年均躬逢其厄雖各聽天命而所遭則有幸有不幸焉以余德薄災及妻孥國破家亡殆無生趣且時勢如此一部十七史從何處說起惟有不著一字默抱無言之痛而已但是非成敗之故若無文人騷客以記之何以傳後而信今惟我子澄雅擅詆才特將遭難後耳目所見聞者發爲古近體若干卷亦少陵詩史之意也盟誦一周易勝欽佩爰誌數語而歸之至其辭意之忠厚才思之敏贖則諸家評語盡之矣故不復贅辛丑春三月下浣年愚弟支恆榮拜讀並識

孟子云証亡然後春秋作蓋紀興衰別美惡厚風俗正人心史與詩有同源焉自後世以風雲月露之詞爲詩而詩格日卑証與史之體遂日遠惟杜工部嘗

唐中葉傷天寶之亂離幸至德之興復舉兵事始末一託之於詵格意近古故人以詵史目之子澄天子學識卓越雅負史才而平居默好言詩遭庚子京師之變見聞既確發為咏吟得古近體詵若干首皆緣情直達悱惻纏綿其於死事諸臣表彰既切論斷尤平先叔贈太常和年公亦在闡揚中皆紀實也昔少陵因詩徵史今師寓史於詵殆同一體格深得三百篇之遺意云與誦既終僭跋數語以誌景企時光緒辛丑孟夏受業世憲姪宗室錫嘏謹題

骨格嶽奇氣韻清春明廿載擅詩名歸館堂詩更從浩劫銷除際好為人間譜

正聲集遺世變多復日重磨萬象澄應時甘澍迓休徵同鑿言下好雨

也後來作者推詩史紀事詳核想見當年杜少陵辛丑夏四月中浣愚弟王育

標拜讀並題

詩有變風樂有變雅伊古於斯徵世道焉故江南離亂開府悲哀河北淪莫少

陵愁歎紀事則以詩爲史屬詞則以歌當哭莫非一腔忠憤鬱積勃發而蒼涼
悲壯足以驚風雨而泣鬼神乃知古今人不甚相遠至感舊表忠流連慨慕抒
寫性靈何其摯也要之詞曲體直歸於警世勵俗所謂變而不失其正有功世
道其在斯乎時辛丑夏五月上浣年愚弟王振聲拜識

去歲京師不守海內震驚仁是時讀禮家居百憂交集每一念及澄文之存亡
去就無處探詢耿耿於心者數月迨歲杪戚里中有接澄文報書者始知同里
諸君如支芟卿太史蔡露卿農部顧仙槎兵曹趙貫之比部與吾澄丈六七八
當城破之時並未出國門一步非鎮定何能臻此欽慰尤深今仁因赴引北來
觀城闕之凋零不勝荆棘銅駝之感而諸君竟安然無恙亂後重逢豈初念所
能及耶澄丈復出是詩屬讀撫時感事洋洋大觀洵屬近時不可少之作必傳
無疑証史之稱誠無愧色時辛丑夏五月天中節受業姻世愚姪愛仁謹識於

宣南之郡館

漢廷見戲用干戈朝士傷心戰守和夢醒藜床挑蠟淚坐聽人唱凱旋歌
離宮煨館鎖煙霞劫火銷沉十萬家西望

翠華猶未返

禁城風雨綺苔花老我癡頑鬢已星那堪朋輩任凋零持君詩卷沈瀾讀如
對道山野史亭辛丑夏五月下浣年愚弟奇莫特錫鈞拜稿

水曹多賢爾雅聯翩江南廷子結契十年庚子重百機槍入斗妖氛滿天神京
不守我攜稚孥北徙城隅淖泥踳踳遇君中途斯須停趾晤言行止此後不知
計三月矣天眷支那通譯言和重開樽俎一旦止戈質庶作署爰居爰處夢醒
若塵語多如絮示我新詩奇句紛披靡靡行邁傷心黍離貞女堅卓忠臣英華
比事屬辭褒揚式確辛丑仲春上澣奉題

子澄水部同年餘生詩草濰縣陳恆慶拜撰建安傅嘉年拜書

--	--	--

庚子都門紀事詩卷一

虎口集

蒙古巴里客延 清士澄撰

紀事雜詩三十首

庚子夏五月民教仇相攻十七日逾午喧傳街市中團民糾黨羽闖入都城東
義和揚旗幟拂拂飄薰風赤帕裹其首紛如兵交江軍刃各在手外觀真英雄
跳舞假神道咄咄頻書空天方萬千厦一炬騰燈虹化城滅俄頃搜捕男女童
殺人竟如草血染刀光紅

愚哉綠化外成見橫於胸甘受斧鑕死不屑藏其蹤中亦有良善詠求唯所從
稍一拂意旨偷生何能容屋廬付赤燄性命歸青鋒法令不能禁貽患由養癰
勢民亦多徇溺迹欺庸庸紅巾襲故智屬集填金塲柔軸不加察坐令當折衝
賞資耗錢粟虛糜

天室供

設壇就莊邸府第何高麗黃綾飾旛蓋碧紗糊軒窗殿中鼎爐峙門外戈戟縱
鄉愚雜沓至如水之赴江乾坎分二派大書書於幢水乳交融洽種雜言愈囉
炊飯米難濟濟之以弓雙滿擬得其力遠人柔萬邦豈識眾難恃金鉅徒擊撞
一聞赴前敵心膽先已降

璇宮赫然怒告

廟非虛詞焯焯降

諭旨感使中外知海疆險要地久矣居九夷通商四十載事事甘受欺我
朝尚寬大不復計較之頃以民教故輒興無禮師戈鏡鏡北指旛輪紛交馳丁
沽矢所據要挾胡能支事出不得已爨端開自茲兵旅急徵調誰爲干城資
交民巷東望樓閣何巍巍使館相櫛比五色分懸旂大小一車載雙輪駕驂駐

平時不相擾徵逐游

帝畿乃自失和後森嚴皆戎衣橋據玉河北增兵防四圍往來斷車馬隨陌行
人稀壁端有禍首當與爭是非奈何極公使厥罪嗟吾歸從茲互攻擊強爾處
夕飛

橫街直如髮逶迤三里餘華夷各參半萃處成里閭望衡復對宇異族爲鄰居
我我肅王府穆穆徐相廬其餘士商戶鱗瓦猶排魚不圖際兵燹先後占焚如
連宵火光熾草屋今印墟會殿肆攘奪富豪空積儲加以武衛虐城東爲之虛
軍騎不能馭資敵增欲獻

十區舊改作

皇城西北隅巍然教堂立綠垣環若郭玲瓏窗牖明暗開門衢重復與城圍
巖巖如浮圖其教本天主有神爲耶穌教師有名姓三字人等呼喚經限時刻

晨起聯袂趨天魔舞一室淡冶多妖姝閨割及婦孺傳聞多虛誣遁逃竟有妻
卽此成雙嶋

四方奉教者罹禍悔墜臍扶持老弱幼來此投所棲人多食不足餓死同夷齊
堂中善守禦累土爲長隄槍林子落處瓦碎成紛鴛居人意恐怖遷徙盡棄齋
有家不能顧男婦相提攜倉卒覓樂土那如雲中雞執袴變藍縷親之情慘悽
對峙破臺築聲聞城東西

城內富庶地商賈多生海關圍若鱗次一條輭繡街珍錯萃山海銀琳來江淮
膏腴甲

葦下詎料成禍階如暹楚人炬燭天騰煙燄蔓延數千戶拉雜同燬柴貨財付
灰燼一例焦土埋悲哉逐末子居積生安排盛極衰便伏誰云天道乖止火竟
無術老圃憂滿懷

八旗業精銳空湖開國來甘軍頗驕悍統馭非其才出將其入相忌賢生嫌猜
名王各尊圖亦欲殲渠魁

慈闈念士卒冒暑誠堪哀

推恩出白錙不惜府庫財並

賜丹與藥流行防天災無功已受賞鼓舞歡如雷感激不圖報兵心何怯哉邊
延及兩月戰事頻煩催

一戰忽思違又虞戍使臣

詔書護之出未肯回征論不識緩兵計樹旗降豈真

上方

賜疏果極意加拊循議和締前好冀爾心歸仁敵謀一何狡乞援於國人戈船
滴雲集占據東海濱將軍壽政裔勇敢非其倫忍辱豈不敵覆師輕致身彼族

進無阻麾軍攻析津

無復捷音至津沽風鶴聞總制習吏事茫然司三軍所幸得救應援師特角分
伏波勇出眾卿子謀超羣但惜失宜籌曷亦難奏勛接戰不全勝殷憂心如焚
退扼北倉要壓營垂壞雲虎狼日見逼誓死余何云尸留馬革裹聊以酬吾
君都門得惡耗逃竄徒紛紛

聞說備

車駕倉皇謀出奔公卿力諫阻傳述非無根出入禁奸宄於焉譏九門諸曹挂
冠去苟且圖自存修墓固虛語省親尤僞言臨難多假託無乃忘
君恩乞假

召毋許長官難手援我思犬馬報誰效鸛鴻騫生死聽天命去留憑
至尊腥膻誓一洗何日清乾坤

干戈正紛擾警報聞長安何物白蓮教畿南與禍端鄙哉大腹買安冀登
金鑾後宮已先立偽命封多官不期露蹤跡鈔作瓜蔓觀駢斬菜市口其愚令
人歎是時亦多故王法加衣冠先後五人死罪名求豈難謂爲性詭祕報國無
忠肝蕞危已如此淚下如流瀾

臨淮素剛正

詔自江南還奉

命營師出馳驅戎馬間衆軍本新募號令非所嫻諸將見多繆罔知
天步艱猝聞敵兵至頽倒如撼山長城壞萬里死節張家灣信至
廟廊震憂來門戶關軍中急求馬搜索難防閑財物負散去非由
朝廷頽危城日困守相對添愁顏

夜半礮聲起聽之心駭然初疑我軍發幾欲轟塌天晨與卽起視彈落如珠聯

庚子正月七日寺

卷一

虎口集